

# 臺海文獻匯刊

主 編 名譽主編

蕭慶偉 陳支平  
鄧文金 林曉峰  
施榆生

26



廈門大學出版社 國家一級出版社  
XIAMEN UNIVERSITY PRESS 全國百佳圖書出版單位



第七期

目 要

吳光雲閣浮題

名譽主編 陳支平 林曉峰  
主 編 蕭慶偉 鄧文金 施榆生

二十三年季秋稿

大岳詩草補遺  
丁汝德署

大岳詩草補遺

# 臺海文獻匯刊

鑒梅老子自題

六肚皮集

三堂藏板



策劃編輯單位 閩南師範大學閩南文化研究院 廈門大學兩岸關係和平發展協同創新中心





新聞出版改革發展項目

福建省社會科學規劃重大項目（項目編號2014Z001）成果

自版

期五第卷一第

臺灣銀行季刊  
日要期一第卷四第

要目

民主教育  
論臺灣環境與教育  
國民教育與我見  
青年之精神修養  
加國先民之調查方法

土地  
人口

白月讀



海外番夷錄

報西進



臺灣省糖業試驗  
研究彙報

REPORT  
OF THE  
TAIWAN SUGAR EXPERIMENT STATION

號刊創

青年  
臺灣

THE CHOW HING EXPERIMENT STATION  
KAPLAN TA-GAN GUBA

印編部黨總台國直黨民國國中

癸未 公元一九四三年

澹廬老人時年七十有二

次韻雪滄春日過訪

柴門報道客停驄 庭草牆花綠間紅 信筆直書驚子捷 嗜痴成癖笑吾同 無多殺核羞春酒  
祇見兒孫有古風 寂寞每懷猿鶴侶 清談半日樂融融

次韻梓舟春日過訪

勝日來敲野老門 出言却怪過推尊 但期斤斧饒樛櫟 且以簞瓢長子孫 處世任呼牛與馬  
吟詩喜共白和元 雪滄同來 惱人咫尺難常聚 君自城居我自村

莊 櫻癡

玉坡君由海南島海口市橫濱正金銀行滙兌辦房郵示壬午元旦還

曆感賦二律和其一首稅之

早體經言夙夜寅 計然餘策短檠親 平時未肯游其手 半點難容染俗塵 但使禽魚感生佛  
君喜放生 不妨杖履混邊民 古人曾道仁宜壽 看比姜牙釣渭濱

少奇同社將主馬尼拉報漢文筆政乘飛機赴菲律賓不及面別作此

送之 二月十五日

杯酒無緣唱渭城 馮虛囊筆遼長征 閭閻滿地如風草 文字推心異甲兵 瘴雨蠻煙殊域事 暮雲春樹故人情 鯉魚腹裏新詩外 勤寄平安海上盟

洪君元煌郵示近作二律并謂將邀負人過訪率以韻語代柬堅其約 三月三日

采雲五朶自南來 未忘閒居淺水隈 得得待看臨巷口 常關門早為君開

壬午十一月三日（古曆九月念五日）得曾孫後續得兩外孫本日（癸未三月三日即古曆正月念七日）又得外曾孫率成俚語百二十字聊以

志喜

去歲秋已深 今日春之孟 百二十日間 天與重重慶 最初得曾孫 籬花開尚盛 肇錫名宗俊 字以天健命 昌平與弘造 外孫王廖姓 別有廖曾孫 武元生夏正 襁褓四新雛 以此為後勁 人生歡樂事 數非一二罄 豈惟衣食住 所得與心稱 子孫苟衆多 螽斯可



借詠 天庶加我年 竹馬看羣競 索果問安來 點頭微笑應

伯

夷

霧峰金曜會第一期課題（三月五日）

眼中富貴等鴻毛 能體親心讓國逃 愧殺古今惟利視 兵戈同室泰然操  
遜國人遭奪國人 九州無地可容身 西山一往沈冥後 贏得千秋首逸民

故賴

嶺雲

和

彰

詞友挽辭

卦山炯炯少微星 作善天宜永鶴齡 篋裏待鐫長慶集 牀頭常枕衛生經 偶投羅網災无妄  
竟病膏肓藥不靈 博得仁心仁術譽 姓名身後有餘馨

次韻洪

雪峯

元煌君六十感懷

滿頭霜雪故非新 少小裝成老老身

君壯年頭盡白

雄辯高談常慷慨 長歌短詠自清真 前途且喜

心猶壯 去日休嗟歲易淪 八百錢鏗如竊比 君年尙未及青春  
干戈又是一年過 多少貔貅戍虎牢 但願前鋒殲彼虜 屢言後援屬吾曹 庖廚按日猶肥肉  
樽爵依時有濁醪 應恨徵兵齡不適 興師無分賦同袍

鶴亭詩集

二七四

碧山躡躡趁晴時 還坐烏溪理釣絲 敦德堂君之堂名中間對奕 草鞋墩畔靜溫詩 肯同吾黨聲

相應 共葆斯文運不衰 鄰里幸多痲痺者 料應賞析到疑奇

村居恰好葺桑麻 膏壤迴環處士家 言鴨啼雞誇盡有 秋梁夏麥穫無差 已能矍鑠延年壽

焉用奔馳感歲華 春酒定知藏日久 稱觴待作笑聲譁

管 仲 以下詠史諸作俱是霧峰金曜會課題

幾人褒貶幾瑜瑕 終始相知一叔牙 天下才那肯理沒 辱身休誚事讐家

晏 嬰

卅載狐裘自泰然 脫人困厄薦人賢 聞風今日猶忻慕 司馬何疑願執鞭

老 子

猶龍變化果如何 道德遺經僅不磨 清淨無為誰首肯 成功自昔有為多

莊 周

名山事業足千秋 一卷南華宿志酬 冷眼營營趨利客 何如曳尾自優游

### 司馬穰苴

出身卑賤却能軍 威敵兼長附衆文 糧食平分驕貴斬 何須兵法著殊勳  
夜飲辭君戟自操 拊循享卒晉燕逃 晏嬰畢竟真賢相 安得龍泉斬國高

### 讀孫吳列傳

止齊步伐教吳宮 紫袖紅衫結束工 兵氣不揚徒臆說 雌威足可助雄風 孫武  
善謀何止計贏金 家學淵源造詣深 別足奇警容易報 馬陵萬弩快人心 孫臏  
奏功魯魏並蠻荆 猜忍徒誇善用兵 慈母可拋妻可殺 彝倫滅盡爲功名 吳起

### 源吳齒科醫學士爲余補齒不受報作此謝之

陸續因剛落 如芽茁朽株 過屠堪大嚼 滿口不含胡 能奪天工巧 真爲我老須 寄言同  
病者 牌榜認源吳

### 讀伍子胥列傳



楚平鞭骨伍鷓夷 奢尙王僚死爲誰 天道好還從不爽 殺人人殺復何辭  
 爲進專諸德伍胥 家風末葉墜無餘 句吳先讓延陵後 篡弑居然有闖聞

讀商君列傳

甘龍杜摯語雷同 守舊焉知貴變通 作法到頭雖自斃 有人私淑詔成功  
 強秦有法信奇才 重罰嚴刑是禍胎 馬耳東風輕藥石 卒招車裂不須猜

讀蘇秦列傳

田無二頃書盈篋 燈耿三更股一錐 所學爲何姑莫問 十分勤苦自堪師  
 大困人嗤作計迂 百無聊賴問陰符 縱橫反覆渾無定 祇爲尊榮兩字驅

讀張儀列傳

股掌真能玩六王 窮通但視舌存亡 始終再畫誅周策 不解何心帝虎狼 張儀  
 讀書得辱語何悲 橫禍難逃楚相笞 我爲貧人一長嘆 明明不盜亦招疑 同下  
 商於六百信非真 爲國難爲閉口人 無奈楚懷貪且蠢 對秦料事枉如神 陳軫

五王並相印纍纍 約長能承季子爲 無事不妨常好飲 勝他沈湎百忙時 犀首公孫衍

讀樗里子甘茂列傳 五月十四日

奪城取地兩興師 賜爵封君竹帛垂 却以奈何問胡衍 智囊智亦有窮時 樗里疾  
聞閭一起類登天 蘇范同聲譽曰賢 獨羨有孫尤早慧 上卿封日尙童年 甘茂甘羅

次韻小魯同社書懷

大鵬奪翼指鯤洋 謂乘飛機 素願悲君竟不償 君自前年赴燕計劃發展竟不如意 望眼幾人穿舊臘 客秋再赴燕時面約冬日歸來卒不果 歸

鞍一路載驕陽 念孫憶子情應切 把酒論文意未忘 聞道爲携蔡侯紙 次男春鐘託帶宣紙 轉愁睹物斷

離腸

書懷寄鶴公 時在東京

吳小魯

思家心切阻重洋 飛渡有期願可償 燕市去秋逢令節 東都今歲過端陽 愁多鬚髮看添  
白 才退詩文感輒忘 鶴老關懷逾骨肉 不知爲我幾廻腸

讀穰侯列傳 五月二十一日

將兵秉政卅餘年 秦久無王相擅權 君縱少恩家極富 輜車就邑未聞千

讀白起王翦列傳 五月二十八日

功高身死豈殘苛 好殺那須問罪何 百萬命祇償一命 杜郵劍下便宜多 白起  
爲人善戰善謀身 趙魏燕荆攫入秦 田宅園池頻固請 功多免罪不無因 王翦

讀孟子荀卿列傳 六月四日

仁義終難敵富強 脣焦舌敝困齊梁 立言轉是千秋業 留七篇爭日月光 孟子  
文稱博達學稱醇 冠冕羣儒譽有因 清乾隆五十一年丙午江陰學使謝塘(東甌)序荀子書中有一讀其  
全書而知其學之醇正文之博達自四子而下洵足冠冕群儒云云 性惡  
不爲師說囿 眞成言論自由人 荀卿

澹廬夜話 六月九日(古端陽後二日)爲吳小魯君歸自北平開洗塵  
宴并邀灌園負人去矜一泓讓友四五子來陪酒後同諸子作

聽雨寒齋夜二更 今文古史論縱橫 座中喜有新歸客 縷敘經年闊別情



桂香昨年桂秋  
曾來一集容易又蟬鳴 過隙神駒是此生 環境不教支配我 共開笑口對燈檠

咏史

威權大處世間無 冠劍昂然出入俱 文叔才能登九五 當年尙羨執金吾

讀孟嘗君列傳六月十一日期

狗盜雞鳴憑脫險 上書營窟爲圖存 魚車肯養貧寒士 終有人知報厚恩

讀平原君虞卿列傳六月二十五日交卷

不辭謝甃斬釵裙 愛色終輸愛士殷 錄錄因人成事者 更何面目食其君平原君  
不媾嬴秦自善謀 著書何幸遇窮愁 一番義俠人尤感 爲友能輕萬戶侯虞卿

讀信陵君列傳七月二日交卷

諸侯十載不加兵 識士屠沽眼獨明 魏國存亡因用舍 可憐醇婦自戕生  
能安趙魏國垂危 早有賢名四海知 末路何傷遭毀廢 易朝贏得帝王祠

鶴亭詩集

二八〇

讀春申君列傳 七月九日交卷

上書爲國脫危幾 更脫留秦太子歸 卑鄙却同陽翟賈 永貽晚節不終譏  
 朱英枉豫進忠言 橫禍旋看起棘門 獨有三君輸不朽 姓名江浦至今存

春申江黃歇浦俱在上海  
三君即孟嘗平原信陵也

讀范雎蔡澤列傳 七月十六日出席交卷

須辱魏戕王鄭顯 一生祇解快恩讐 武安無德尤無怨 底事甘令死杜郵 范雎  
 一言能代爲秦相 勢似乘風挂疾帆 富貴果真吾自有 胸中抱負早非凡 蔡澤

除 草 侵韻 七月十六日在萊園環翠山房

春風吹過茁庭陰 眼看閒階次第侵 我似農夫惟務去 祇愁蒂固與根深

次韻廖君星橋見贈

棲身久傍小溪灣 近市優於遠處山 迎客淡雲微雨裏 烹茶瓜架豆棚間 浮生難得千年永  
 偶集能消半日閒 仙島無風無鶴地 且同佇看暮禽還

次韻陳君雪滄見贈

溪居別後半年違 革履聲臨陋巷扉 密樹陰濃足涼味 長空雲滿卻炎暉 縱談鏗似洪鐘發  
得句麗於庶草菲 願效君家投客轄 杯盤但愧缺甘肥

次韻小魯同社暴風雨

本七月十八九日

後作

海上風雲昨夜生 打窗猶記醒人聲 無從覓燭通宵黑 恍聽吹笳萬竅鳴 憔悴雁鴻成餓殍  
蕭條草木盡傷兵 陂塘決潰溝渠涸 天更妨農太不情

小魯同社用星橋韻見貺依韻賦答

有水早知輸汴水 有山遠不及東山 每嗟跼蹐屠沽側 何似逍遙荔檜間 得句自增終日樂  
讀書好養半生閒 計期重踐清遊約 笑看提壺買酒還

癸未大暑雅集

七月二十四日彰化應社吟友爲余補祝病起（昨秋之事）兼歡迎王克士氏入社



鶴亭詩集

二八二

雅集於樹德醫院應社友十人總出席客則余及灌園小魯去矜暨彰友郭克明周定山諸氏也

八掛山青萬木森 近秋天氣半晴陰 輕衫小扇饒閒致 啼鳥鳴蟬和苦吟 東道人欣得今雨 吾徒誼算是同岑 何修叨受殷勤意 燈火高樓溉釜鷺

看山限尤韻

登臨尙擬到峰頭 草樹高低眼底收 一樣宣尼思魯意 轉嫌萬仞阻雙眸 生成八卦好林丘 有約朋儕目共遊 德祖樓頭東面立 夕陽點點下羊牛

讀樂毅列傳七月二十三日交卷

一簣功虧亦惜哉 田單轉眼反攻來 勢如破竹終何補 徒使兵民慘被災

陳君若泉爲吳君小魯開洗塵宴於醉月樓邀林君灌園莊君負人楊君百熙

及余作陪小魯有詩卽次其韻七月二十八日

雨餘流水長晴川 岸柳垂青挂約鞭 相對無詩嫌寂寞 麥光鋪几寫新牋

高閣叨陪輒脚筵 但能鬢髮亦稱仙 酒邊羞傍花枝坐 大衍經過廿許年

讀廉頗藺相如列傳 七月三十日交卷

素賤多才不足羞 豈徒口舌比人優 秦昭敢辱廉能避 善用剛還善用柔 藺相如

上卿何物恥隨肩 功大人驕勢必然 好在知非能立悔 負荆留作美談傳 廉頗

為國理財知後先 擊秦必勝早操權 九原倘得長平耗 應恨生兒不象賢 趙奢

十萬匈奴死戰場 虎狼秦亦失其強 頭顱不為讒言斷 毋恤宗祧未遽亡 李牧

毋恤即趙襄子韓趙魏分晉時趙之

初代王也

次韻小魯同社移居東山二首 八月五日

向來世慮頓全刪 徑逐廻飛倦鳥還 萬里舟車心自赤 幾年風雪鬢微斑 林泉足遂居遊樂

畎畝聊嘗稼穡艱 溪水重重山一角 譁聲聽不到通闌

別墅經營廿載餘 從今省買往來車 一心樹木圖榮長 兩眼看雲任卷舒 下酒好培羊角豆

撐腸更種馬鈴薯 無人敗興柴門靜 至竟山居勝市居

讀田單列傳 八月六日交卷

殘城岌岌陸將沈 失地收回一力任 海岱河山憑再造 紀功合爲鑄黃金

壽林君慶章六十

延陵瓜瓞自縣縣 遠紹尼山問禮賢 身逐鸞蓬忙半世 境如啖蔗美中年 食租幸免愁晨夕 衣綵欣看舞後先 經有衛生姑熟讀 逍遙永作地行仙

讀魯仲連鄒陽列傳 八月十三日交卷

舍生不忍作秦民 議論堂堂詘魏賓 家國幾多同弱趙 解紛排患更何人 魯仲連  
梁園作客太淒涼 死裏求生劇可傷 略似姬昌囚羑里 獄中釀得好文章 鄒陽

次少奇同社底事韻

生便懸弧肯卻行 男兒當有不磨名 他鄉莫短英雄氣 絕域貔貅且四征  
休嗟山遠水尤深 沙上鷗盟有日尋 待共功成人奏凱 一杯酒爲洗塵斟